



Služba za privredu

Broj: 02/1-15-19-61/2025

Breza, 13.01.2025. godina

Stručna služba Općinskog vijeća
- Ovdje -

PREDMET: Odgovor na vijećničku inicijativu, dostavlja se

Na 3. redovnoj sjednici Općinskog vijeća, održanoj dana 26.12.2024. godine, u okviru vijećničkih pitanja, vijećnik Eldar Islamović podnio je vijećničku inicijativu koja se odnosi na uvrštavanje naseljenog mjesta Vrankamen u zimsko održavanje puteva, i ista glasi:

„Podnosim inicijativu da se naseljeno mjesto Vrankamen uvrsti u zimsko održavanje puteva. Naseljeno mjesto je Vrankamen je zbog svog položaja i brdovitog terena pri većim padavinama odsječeno od glavne saobraćajnice, jer se stanovnici ne mogu kretati sa motornim vozilima, te predlažem da se uvrsti u zimsko održavanje puteva, budući da je put nedavno rekonstruisan ne postoje smetnje da se na isti i održava. Također predlažem da se na dva mjesta doveze naspipni materijal, koji bi stanovnici po potrebi koristili samostalno kako bi osigurali prohodnost ceste.“

U vezi pokrenute inicijative dajemo sljedeći odgovor:

Održavanje javnih cesta u zimskim uslovima na području Općine Breza obavlja se u skladu sa Operativnim programom održavanja cesta u zimskom periodu za tri zimske sezone (15.11.2024.-15.03.2025., 15.11.2025.-15.03.2026. i 15.11.2026.-15.03.2027.) koji je donio Općinski načelnik a na koji je Općinsko vijeće Breza dalo saglasnosti Zaključkom broj:01/1-02-1592/2024 od 30.05.2024. godine. U skladu sa navedenim programom proveden je postupak javne nabavke i Okvirni sporazum o održavanju cesta dodijeljen je dobavljaču „Mušibegović gradnja“ d.o.o. Visoko. U skladu sa odredbama okvirnog sporazuma zaključen je prvi pojedinačni ugovor za sezonu 2024/2025. godina. Cesta koja je predmet inicijative kategorisana je kao nekategorisana saobraćajnica unutar naselja i u programu održavanja cesta uvrštena je u grupu saobraćajnica za koje se intervencije zimskog održavanja izvode po potrebi i po nalogu ugovornog organa što podrazumijeva angažman posebnog vozila i obezbjeđenje posipnog materijala na odgovarajuće lokacije.

U toku tekuće sezone održavanja posipni materijal je izvučen i deponovan na lokacije koje su određene od strane mještana naseljenog mjesta. Ukoliko u toku trajanja zimske sezone bude potrebe za angažmanom posebnog vozila na održavanju ceste postupit će se u skladu sa naprijed navedenim

Obrađivač: Kenan Kadrić

Dostavljeno:

1x Naslov

1x a/a





Služba za privredu

Broj: 02/1-15-19-59/2025
Breza, 13.01.2025. godina

Stručna služba Općinskog vijeća
- Ovdje -

PREDMET: Odgovor na vijećničku inicijativu, dostavlja se

Na 3. redovnoj sjednici Općinskog vijeća, održanoj dana 26.12.2024. godine, u okviru vijećničkih pitanja, vijećnik Eldar Islamović podnio je vijećničku inicijativu koja se odnosi na proširenje sistema javne rasvjete u ulici Smrekovačka, i ista glasi:

Podnosim inicijativu da se u ulici „Smrekovačka“ K.O. Sutješćica, na već postojeće stubove (5 komada) postave rasvjeta i to od K.O. 265/1 – 265/8. Razlog ove inicijative su sve češće pritužbe građana tog naseljenog mjesta, na sve veći broj pasa lualica, budući da smo svjesni da se taj problem ne može riješiti u skorije vrijeme, potrebno je što prije riješiti problem rasvjere, jer u tom mjestu postoji određeni broj djece koji se trenutno iz škole vraća u vrijeme kada je rasvjeta potrebna.

U vezi pokrenute inicijative dajemo sljedeći odgovor:

Općina Breza i Mjesna zajednica Sutješćica uz saglasnost i prisustvo predstavnika ulice Smrekovačka, gosp. Rašida Osmanija, su zaključili Sporazum o zajedničkom finansiranju projekta „Sanacija dijela ulice Smrekovačka“, koja je označena kao k.č. br. 264 k.o. Sutješćica, zvana Orahovik, DR.SV.JAVNO DOBRO PUTEVI. Sanacija navedene ulice izvršit će se u skladu sa Projektnim prijedlogom od augusta 2024. godine. Ukupna procijenjena vrijednost projekta je 41.573,00 KM.

U skladu sa zaključenim Sporazumom Općina Breza je u toku decembra 2024.godine pokrenula postupak javne nabavke radova na sanaciji predmetne ulice. Javni poziv za nabavku radova je otvoren do 21.01.2025. kada je predviđeno otvaranje ponuda potencijalnih dobavljača.

Obzirom da predmetna ulica nije u cjelosti osvjetljena proširenje sistema javne rasvjete na 5 (pet) rasvjetnih stubova, kako je navedeno u predmetnom pitanju, je planirano da se izvrši uporedo sa izvođenjem radova na sanaciji ulice, a sve prema Planu i programu održavanja sistema javne rasvjete na području Općine Breza za 2025. Godinu, koji donosi Općinski načelnik, a na Općinsko vijeće Breza daje saglasnost.

Obrađivač: Kenan Kadrić


Dostavljeno:

1x Naslov

1x a/a

Pomoćnik načelnika

Salih Hasanspahić



Broj: 13-31-16/2025
Breza, 14.01.2025. godine

Općina Breza
Općinsko vijeće
Stručna služba Općinskog vijeća i Općinskog načelnika

Predmet: Odgovor na vijećničku inicijativu; dostavlja se

Poštovani,

U skladu sa dostavljenom vijećničkom inicijativom broj: 01/1-02-30-2/25 od 06.01.2025. godine u vezi sa pokretanjem radionica koje se odnose na mentalno zdravlje, a koju je podnio Vijećnik Malik Čorbo, dostavljamo sljedeći odgovor:

Centar za socijalni rad se zahvaljuje na inicijativi, te obavještava Općinsko vijeće da Centar već nepunih sedam godina ima stalno uposlenu psihologinju, kojoj su među radnim zadacima i obavezama psihološko savjetovanje i podrška svim građanima neovisno sa kojim problemima, teškoćama i izazovima se suočavaju. Svakodnevni poslovi psihologa Centra za socijalni rad Breza između ostalog se odnose na psihološko savjetovanje, podršku i osnaživanje ljudi u teškim i kompleksnim životnim uslovima kao što su egzistencijalni problemi, bračni problemi, problemi u porodičnom i međususjedskom funkcionisanju, razvodi braka, problemi sa ovisnostima, problemi sa zakonom, nasilje, osnaživanje porodica sa djecom sa invaliditetom ili razvojnim teškoćama, podrška djeci i porodicama kroz adolescentske ili druge krize, ali i kroz druge, manje kompleksne probleme kao što su problemi u komunikaciji, zauzimanju za sebe, donošenje važnih odluka ili izgradnja samopouzdanja.

Svim građanima je dostupna psihološka podrška u Centru za socijalni rad svakim radnim danom od 07:30 do 16:00.

Takoder, psihologinja je u prethodnih šest godina Protokolom o saradnji sa osnovnim i srednjim školama angažovana po četiri sata sedmično u svakoj od škola u radu sa djecom, roditeljima, nastavnim osobljem, te kao član inkluzivnih timova, što je direktno povezano sa unapređenjem mentalnog zdravlja školske djece u zajednici.

Pored toga, Centar za socijalni rad Breza obilježava značajne datume iz oblasti mentalnog zdravlja i u saradnji sa osnovnim i srednjim školama su provedene razne aktivnosti koje se tiču promocije mentalnog zdravlja, te će taj trend biti nastavljen i u ovoj godini.

Od kraja januara 2025. godine Centar za socijalni rad počinje sa implementacijom projekta Snažne porodice- dokazano učinkovitog preventivnog programa za roditelje i djecu uzrasta od 8 do 15 godina, te će u narednim godinama ovaj program biti uvršten kao redovan godišnji projekat Centra za socijalni rad, a u saradnji sa nevladinom organizacijom Narko NE.

Centar za socijalni rad ima već utemeljenu saradnju sa nevladinim sektorom na području naše lokalne zajednice, ali i šire, te ćemo se svakako truditi da učestvujemo i podržavamo sve aktivnosti koje se tiču promocije mentalnog zdravlja, prevencije i osnaživanja, kako mladih tako i starijih osoba.

Također, napominjemo da je neophodno da se važnost promocije mentalnog zdravlja a samim time i preventivnih aktivnosti, radionica i edukacija uvrsti u budžet Općine Breza, te da kroz projektne aktivnosti ustanova i nevladinih organizacija dobijemo priliku da implementiramo ideje, našim građanima omogućimo dodatnu psihološku podršku, te svakako animiramo stručnjake da se uključe u promociju mentalnog zdravlja i na nivou naše lokalne zajednice.

Pored toga, važno je sistemskim rješenjima djelovati na povećanje broja uposlenih psihologa na nivou lokalne zajednice, s obzirom da na području općine Breza trenutno ima zaposlen samo jedan psiholog u Centru za socijalni rad. Veoma je važno psihološku i psihoterapijsku podršku građanima obezbijediti i kroz zdravstveni sistem, te poboljšati podršku djeci i adolescentima, te roditeljima i nastavnom osoblju kroz stalno zapošljavanje psihologa u vrtiću, osnovnim i srednjim školama. Tome dodajemo i važnost postojanja Centra za mentalno zdravlje pri Domu zdravlja, te smatramo da su to sistemski i provjereno efikasni putevi za uspjeh promocije mentalnog zdravlja koji mogu obuhvatiti jako veliki broj naših građana.

S poštovanjem.

Dostaviti:

1x Naslovu

1x a/a



Direktor:

Osman Salkić, dipl. scr.

JAVNA USTANOVA
DOM ZDRAVLJA BREZA

Broj: 01- 39 /2025


Breza: 09.01.2025 godine

OPĆINA BREZA

Stručna služba Općinskog vijeća Breza

Ul. Bogumilska br: 1

71370 Breza



PREDMET: Odgovor na vijećničku inicijativu

Shodno podnesenoj vijećničkoj inicijativi vijećnika Čorbo Malika od 26.12.2024 godine koji apeluje da se izvrši renoviranje i utopljanja područne ambulante Župča koja pripada JU Dom zdravlja Breza, dostavljamo sljedeći odgovor:

Kad je u pitanju područna Ambulanta Župča trenutno smo usaglasili sa Mjesnom zajednicom Župča Ugovor o posluži (ugovor koji omogućava našoj ustanovi mogućnost ulaganja u prostorije ambulante). Kako smo sa Mjesnom zajednicom Župča dogovorili sve uslove navedenog ugovora očekujemo da isti bude realiziran u narednom periodu. Nakon toga bi mogli pokrenuti aktivnosti u pogledu renoviranja i utopljanja prostorija ambulante. Svi ti poslovi iziskuju određene troškove koje naša ustanova ne može sama realizirati tako da očekujemo pomoć od svih koji su voljni i zainteresirani da Ambulanta Župča bude ugodan prostor za pružanje zdravstvene zaštite pacijentima. U skladu sa svim navedenim podržavamo inicijativu za obraćanje višim nivoima vlasti za pomoć u realizaciji navedenog projekta.

S poštovanjem

Dostavljano:

1x Naslovu

1x a/a

DIREKTOR

dr.spec. Amina Tabaković





Služba za privredu

Broj: 02/1-15-19-60/2025

Breza, 13.01.2025. godina

Stručna služba Općinskog vijeća

- Ovdje -

PREDMET: Odgovor na vijećničku inicijativu, dostavlja se

Na 3. redovnoj sjednici Općinskog vijeća, održanoj dana 26.12.2024. godine, u okviru vijećničkih pitanja, vijećnik Anel Rihčić podnio je vijećničku inicijativu koja se odnosi na postavljanje rasvjetnih tijela od srednjoškolskog centra do baraka u istoj ulici radi bezbjednijeg kretanja učenika, i ista glasi:

„Da se od srednje škole pa do baraka postavi nekoliko rasvjetnih tijela kako bi učenici lakše i bezbjednije mogli da se kreću u navedenoj ulici“

U vezi pokrenute inicijative dajemo sljedeći odgovor:

Iz navedenog pitanja nije moguće odrediti tačnu lokaciju na koju se odnosi vijećničko pitanje. Ukoliko je Uvaženi vijećnik mislio na ulicu Mustafe Keškića pregledom je utvrđeno da su sva rasvjetna tijela u funkciji. Međutim, unutar dvorišta oko objekata praktične nastave Mješovite srednje škole "Mehmedalija Mak Dizdar" utvrđeno je da postoje dva rasvjetna stuba na kojima su oštećena rasvjetna tijela i ista nisu u funkciji. Predmetni stubovi i rasvjetna tijela su u sistemu Srednje škole. U periodu od postavljanja predmetnog pitanja do momenta izrade ovog odgovora na poziv menađmenta škole izvršena je opravka rasvjetnih tijela na način da su na oba stuba postavljene po dvije led lampe. Takođe, na ulazu u školsko dvorište iz ulice Mustafe Keškića postavljena je još jedna lampa čime je poboljšana vidljivost unutar dvorišta škole.

Obrađivač: Kenan Kadrić

Dostavljeno:

1x Naslov

1x a/a



Pomoćnik načelnika

Salih Hasanspahić



Služba za privredu

Broj: 02/1-15-19-62/2025

Breza, 13.01.2025. godina

Stručna služba Općinskog vijeća

- Ovdje -

PREDMET: Odgovor na vijećničku inicijativu, dostavlja se

Na 3. redovnoj sjednici Općinskog vijeća, održanoj dana 26.12.2024. godine, u okviru vijećničkih pitanja, vijećnik Mirza Smalbegović podnio je vijećničku inicijativu koja se odnosi na sanaciju i pročišćavanje mjesne kanalizacije za odvodnju površinskih voda u MZ Mahala od trafo stanice u ulici Odred Sretno do školskog dvorišta „O.Š. Safvet-beg Bašagić“ u Mahali, i ista glasi:

Na potezu od trafo stanice u MZ Mahala ulica Odred Sretno izgrađena je kanalizacija za odvodnju površinskih voda koja se ulijeva u mjesnu kanalizaciju u ulici Novo naselje i dalje nastavlja prema kraju školskog dvorišta „O.Š. Safvet-beg Bašagić“ sve do ulijevanja u rijeku Stavnju. Navedena kanalizacija je začepljena i dolazi do izlivanja iste na kraju dvorišta „O.Š. Safvet-beg Bašagić“ Breza, te izlivanje fekalija u školsko dvorište. Predlažem da se pokrenu aktivnosti na pročišćavanju i sanaciji predmetne kanalizacije jer dio kanalizacionog odvoda od trafo stanice do ulijevanja u ulici Novo naselje upravlja Općina Breza.

U vezi pokrenute inicijative dajemo sljedeći odgovor:

Kanalizacioni sistem koji je predmet inicijative već duže vrijeme u periodu obilnijih kišnih padavina nemože da primi i do recipijenta odvede sve površinske vode pri čemu dolazi do izlivanja voda iz sistema u dijelu koji je naveden u inicijativi. Pretpostavlja se da je u tom dijelu sistema došlo do taloženja čvrstih materija koje ulaze u sistem pri čemu je smanjen kapacitet prijema i odvođenja voda. Obzirom da je prostor gdje dolazi do izlivanja vode iz sistema pokriven Regulacionim planom „Poljice“ postoji potreba da se prilikom rješavanja ovog problema u obzir uzmu i odvodnje otpadnih i površinskih voda koje su planirane regulacionim planom. Iz tih razloga prije izvođenja radova neophodno je izraditi projektnu dokumentaciju kojom će se predvidjeti radovi na sanaciji postojećeg kanalizacionog sistema uz eventualno povećanje profila cijevi i radovi na izgradnji odvodnih sistema za površinske i otpadne vode koji su planirani Regulacionim planom Poljice.

Postupak izrade projektne dokumentacije je pokrenut. Priprijeđen je projektni zadatak i u toku su aktivnosti na ispitivanju tržišta cijena izrade projektne dokumentacije. Po utvrđivanju procijenjene vrijednosti izrade projekta pokrenut će se postupak javne nabavke usluge za izradu projektne dokumentacije. Po pribavljanju projektne dokumentacije ishodomat će se odobrenje za građenje uz rješavanje imovinskih odnosa od strane nadležne službe na osnovu kojeg će se pristupiti izvođenju radova.

Obradivač: Kenan Kadrić

Dostavljeno:

1x Naslov


1x a/a





Služba za privredu
Broj: 02/1-4-04-58/2025
Breza, 21.01.2025. godine

OPĆINSKO VIJEĆE BREZA
- SLUŽBA OPĆINSKOG VIJEĆA -
- Ovdje-



Predmet: Odgovor na vijećničku inicijativu

Na sjednici Općinskog vijeća Breza održanoj dana 26.12.2024. godine, u okviru vijećničkih pitanja, vijećnik Adnan Rahimić pokrenuo je vijećničku inicijativu, koja se odnosi na izjašnjavanje privrednih subjekata o potrebi rada nedjeljom u lokalnoj zajednici i glasi:

„Vijećnička inicijativa o izjašnjavanju privrednih subjekata o potrebi rada nedjeljom u lokalnoj zajednici može biti od velikog značaja za donošenje odluka koje uzimaju u obzir ekonomske, socijalne i moralne aspekte.

Stoga predlažem da inicijativa uključuje sljedeće korake:

1. *Prikupljanje podataka:*

Provesti anketu u toku od 15 dana među privrednim subjektima u lokalnoj zajednici iz oblasti trgovine koje se odnose na prodaju osnovnih životnih namirnica, hrane i pića te drugih roba koji se prodaju u trgovinama na malo.

Pitanja mogu obihvatiti:

Da li smatraju da je rad nedjeljom potreban za njihov poslovni uspjeh?

Kakav je uticaj rada nedjeljom na njihove radnike (u smislu produktivnosti, zadovoljstva i ravnoteže između posla i privatnog života)?

Da li bi podržali regulaciju koja ograničava ili ukida rad nedjeljom za određene kategorisane privredne subjekte na osnovu donesenog zakona o zabrani rada nedjeljom.

2. *Uključivanje građana:*

Provesti javnu raspravu ili anketu među građanima kako bismo dobili i njihovo mišljenje o potrebi rada nedjeljom.

3. *Analiza i prezentacija rezultata:*

Rezultate ankete prikupiti i predstaviti vijeću, uz analizu koja obuhvata ekonomske pokazatelje, mišljenja građana i stavove privrednika.

4. *Prijedlog mjera:*

Na osnovu rezultata ankete predložiti konkretne mjere (npr. Ograničavanje radnog vremena nedjeljom, potpuno ukidanje rada ili posebne pogodnosti za radnike koji rade nedjeljom).

5. *Pravni okvir:*

Konsultovati pravne stručnjake kako bi se osiguralo da prijedlog bude u skladu sa zakonom o zabrani rada nedjeljom o radu i ekonomskim propisima.“

U vezi pokrenute inicijative dajemo sljedeći odgovor:

Radno vrijeme prodajnih objekata utvrđeno je u članu 18. Zakona o unutrašnjoj trgovini (Službene novine Federacije BiH“, broj: 87/24). Istim članom Zakona u stavu (10) i (11). Utvrđen je način izuzimanja od primjene odredbi stava (1), (2) i (3).ovog člana:

„Član 18.

(10) Izuzetno, na prijedlog gradskog/općinskog vijeća Vlada federacije Bosne i Hercegovine može donijeti odluku kojom se određuje da prodajni objekti na teritoriji grada/općine mogu biti izuzeti od odredbi st. (1), (2) i (3).ovog člana.

(11) Prijedlog iz stava (10) ovog člana dostavlja se Vladi Federacije Bosne i Hercegovine putem Federalnog ministarstva trgovine.“

U vezi stim Vlada Federacije Bosne i Hercegovine je donijela Uredbu o kriterijima za primjenu člana 18. Stav (10) i (11) Zakona o unutrašnjoj trgovini („Službene novine FBiH“ broj: 102/24).

Uredbom je utvrđen postupak, kriteriji i uslovi koje moraju ispunjavati jedinice lokalne samouprave za primjenu odredbi člana 18. Stav (10) i (11) Zakona o unutrašnjoj trgovini, a koji se odnose na pitanje radnog vremena prodajnih objekata u Federaciji Bosne i Hercegovine, kao i druga pitanja od značaja za provođenje ove uredbe.

Članom 5. Uredbe utvrđeni su kriteriji za podnošenje prijedloga kojim se traži primjena odredbi člana 18. Stav (10) i (11), koji citiramo u cjelosti:

„Član 5.
(Kriteriji)

(1) Prijedlog kojim se traži primjena odredbi člana 18. stav (10) i (11) Zakona mora sadržavati objektivne razloge i detaljno obrazloženje, a naročito podatke o:

a) uticaju na pad prometa u djelatnosti trgovine na nivou lokalne zajednice, u odnosu na isti period 2023. godine,

b) uticaju na pad broja zaposlenika u djelatnosti trgovine na nivou lokalne zajednice, u odnosu na isti period 2023. godine,

c) opravdanosti za prijedloge sezonskog karaktera i period izuzeća u slučaju zahtjeva za sezonsko izuzeće.


(2) Obrasci za potrebne podatke iz propisanih kriterija a) i b) su sastavni dio ove uredbe.prijedloga kojim se traži primjena odredbi člana 18. Stav (10) i (11) prijedloga kojim se traži primjena odredbi člana 18. Stav (10) i (11).“

Obzirom da se Zakon tek počeo primjenjivati ne postoje podaci na osnovu kojih se može utvrditi uticaj na pad prometa djelatnosti trgovine i pad broja zaposlenih u djelatnosti trgovine. Podatke i evidenciju o iskazanom fiskalnom prometu i broju zaposlenih u oblasti trgovine vodi Porezna uprava Federacije BiH i do istih će se moći doći po isteku određenog vremenskog perioda, godina dana, eventualno 6 (šest) mjeseci od početka primjene Zakona zavisno od mogućnosti obrade istih od strane Porezne uprave Federacije BiH.

Dostavljeno

1 x Naslov

1x a/a



Pomoćnik načelnika

Salih Hasanspahić